

## Alawal de neie Technik

... sagt da Opa zu da Oma ...

Opa: Glabstas doch nirt, wos erna heizadoch alles neis eifallt, dou gibt's eiz bal scho gor koa nomale Telefone mehr, sondern lata so neimoderns Glump.

Oma: Ja dou host recht, dou gibt's doch ez de komischen Handys oda wei ma dou sagt.

Opa: Genau, dou san dann d'Numman so lang, dass de junga Leid nirdamal mehr era eigene Telefonnumman aswendig wissen.

Oma: Dou kinnas ja dann a no Bildln schejsn und so a Zeich an andere Leid schreim.

Opa: Oh mei, Oh mei, wei soll des bloß weida geh? Dou siche ja am nomala Telefon nirt a mal mehr gscheide Tasten und dann erscht de Numman, de draf stenga.

Oma: Ja des stimmt und dann wennst drafdrucka willst, dann pfeift afamal alles, wal ma d'Nummantasten nirt trifft.

Opa: Mei und dann wellns uns alten Leid a no so a Handy afdrahn, dou woe nirt a mal mit da Brilln de Tasten sich.

Oma: Ja teilweis hamsa dann nirt a mal mehr Tasten, sondern bloß no an drum Bildschirm, dou glabe bleima leiba bei unsam alten Aparatt.

Opa: Ja des so ge a, wos ner awl ham.

Oma: Ja mei, so is in da heitigen Zeit, Alawal de neie Technik!